

КАНОН ПЕРЕД ИКОНОЮ ПРЕСВЯТОЮ БОГОРОДИЦЫ «ТРОЕРУЧИЦА»

Память празднуем 12 (25) июля

Тропарь, глас 4-й

Яко звезда светозаряющая, из Сербии на Афон чудесно прииде всечестная икона Твоя Троеручица, юже обитель Хиландарская благоговейно восприемши, яко Божественный дар свыше, прославляет Тя, Владычицу, и умильно вопиет: не остави милость Твою от нас, но пребуди с нами во веки.

КАНОН

Глас 4-й

Песнь 1

Ирмос: Несть Тебе подобен, Препрославленный Господи: рукою бо крепкою избавил еси люди, иже стяжал еси, Человеколюбче.

Припев: Пресвятая Богородице, спаси нас.

Просвети душу мою, ум и сердце, Премилостивая Мати Божия, и даждь ми дар воспети Тя, крепкую Предстательницу, благих Ходатаицу и в печалех сладкое утешение.

Пресвятая Богородице, спаси нас.

Облак светозарный явилася еси преподобному Иоанну Дамаскину, егда молитву его скоро услышала еси и отсеченную десницу его здраву сотворила еси.

Слава: Днесь согласно торжествуют вси концы земли, вкупе Тя воспевающе, твердую Помощь и Хранительницу жизни наша.

И ныне: Твою всечестную и чудотворную икону Троеручицу стяжавши, святая обитель Хиландар вопиет Ти: радуйся, стено нерушимая и крепкое заступление обители сея.

Песнь 3

Ирмос: Свят еси́, Го́споди Бо́же наш, утверди́ и на́ша сердца́ непреста́нно вопи́ти Тебе́: пра́веден несть, па́че Тебе́, Го́споди.

Пресвята́я Богоро́дице, спаси́ нас.

Ве́рных собо́ри совокупа́ются днесъ к прославлéнию Твоего́ благосе́рдия, е́же явила́ еси́ преподо́бному Иоáнну Дамаски́ну, исцели́вши отсече́нную десни́цу его́.

Пресвята́я Богоро́дице, спаси́ нас.

Очи серде́ц на́ших воспу́щаем к Тебе́, Влады́чице, егда́ взира́ем на чудотво́рную ико́ну Троеру́чицу, бу́ди нам держа́ва и огражде́ние и Вы́шняго прича́стия сподо́би нас.

Слава: Ю́же славосло́вят Си́лы Небе́сных, поём Тя, Всепе́тая Де́во, спаси́ ны от грехо́внаго пленéния и вся́кия ско́рби, находя́щая на ны.

И ныне: Моли́, Его́же родила́ еси́, Мати́ Безневéстная, о всех, притека́ющих к честне́й ико́не Твоей, я́ко да защити́т их и просвети́т.

Го́споди, поми́луй (*трижды*). Слава, и ныне:

Седален, глас 4-й

Егда́ ино́цы Хиландáрстии вѣдеша пречестну́ю ико́ну Твою́, Влады́чице, на ослѣ́ти, никѣ́мже водѣ́мем, ко врато́м оби́тели Хиландáрския принесéнную, ра́достью ве́лиею возра́довашася и, покланя́ющесе ей, прославля́ху Твое́ к ним благово́ление.

Песнь 4

Ирмос: Услы́шах слух Твой, Го́споди, я́ко яви́лся еси́ на земли́, и просла́вих Твою́ си́лу.

Пресвята́я Богоро́дице, спаси́ нас.

Исто́чника Приснотеку́щаго источѣ́ла еси́, Пречи́стая Де́во, вся удо́лия напая́юща, погрузи́ и вся на́ша собла́зны и до конца́ потреби́.

Пресвята́я Богоро́дице, спаси́ нас.

Лестви́цу Иа́ковлю, Гедео́ново руно́, ра́дости Ходата́ицу, крѣ́пость и похвалу́ всех ве́рных, приидѣ́те, вси воспо́им, глаго́люще: раду́йся, Де́во Чи́стая.

Слава: Образ Твоѣ́й честны́й целу́юще, Всечи́стая, к Твое́й

благости прибегаем и, колена преклоняюще, с плачем молим Тя: не презри нашего воздыхания, но в День судный буди нам покров и Помощница.

И ныне: Слово Божие рождающая, посети нас благодатью Твоею, и омраченные наша души и сердца просвети, и подаждь нам от бед избавление и всех грехов оставление.

Песнь 5

Ирмос: Законом заповедей Твоих, Едине Человеколюбче, просвети сердце мое, молюся, Господи, и помилуй мя.

Пресвятая Богородице, спаси нас.

Твоя всечестная икона Троеручица ясно всем свидетельствует, яко Ты крепость наша и сила еси, сего ради прославляем матернее Твое к нам милосердие.

Пресвятая Богородице, спаси нас.

Преподобный Иоанн Дамаскин слезно моляшеся Тебе пред честною иконою Твоею, Ты же молитву его скоро услышала еси и усеченной руке его исцеление даровала еси.

Слава: Радости Ходатаице, мольбы раб Твоих прими, вся противных врагов советы разжени и стадо Твое невредимо сохрани и от всех скорбей спаси.

И ныне: Избавляеми прегрешений Твоими святыми молитвами, Благословенная Богородице, благоразумно Тя вси убожаем

Песнь 6

Ирмос: Вечер, и утро, и полудне хвалим Тя, Господи Боже наш, услыши глас наш.

Пресвятая Богородице, спаси нас.

Блажим Тя и славим, Богородице Дево, ибо Ты, о Благодатная, благодатью Твоею всегда нас осеняеши, покрывающи, и заступающи, и от лукавых врагов избавляющи.

Пресвятая Богородице, спаси нас.

Ездая на Херувимех и Певаемый от Серафим из Твоих ложесн явися, и все человечество спасено бысть, сего ради

сла́вим Тя, я́ко Засту́пницу на́шу Непосты́дную.

Слава: Гряди́те, лю́дие, на поклонёние Бо́жией Ма́тери, благода́ть бо свёта Ея́ и нам возсия́ и научи́ пёти: сподо́би нас, о Благода́тная, Вы́шняго прича́стия.

И ныне: Ангелов ра́дость Ты еси́, Богоро́дице, и всех челове́ков вои́стинну весёлие; спаси́ ду́ши всех, пою́щих Тя, Чи́стая.

Го́споди, поми́луй (*трижды*). Слава, и ныне:

Кондак, глас 3-й

Де́ва днесь благово́ление к нам явля́ет, Го́ра же Афóн благодарёние Ей прино́сит, Ангели и ино́цы славосло́вят, Троеру́чица из Сёрбии чуде́сно путеше́ствует, нас бо ра́ди при́де и всели́ся во святу́ю оби́тель Хиландáрскую.

Икос

Вои́стинну пречу́дное явлéние: пресла́вная ико́на Тво́я Троеру́чица, ю́же первосвяты́тель сёрбский, Са́вва, от святы́я Ла́вры Са́ввы Освящённаго, со благоговéнием, я́ко многоцéнен дар, в страну́ Сёрбскую принесé, на безсловéсном ослы́ти от Сёрбии на Афóн чуде́сно прино́сится и ко святе́й оби́тели Хиландáрстей при́де. Ино́цы же оби́тели се́я, воспри́мше сию́ с ра́достью, я́ко дар Небе́сный, поста́виша ю в олтари́ собóрныя цёркве оби́тели, и́бо разумéша сбы́тие сие́ я́ко я́вное Твоё к ним благово́ление. Сего́ ра́ди с ра́достью и любóвию покланя́хуся всечестне́й ико́не Твоёй, целу́юще ю и Тебе́ воспева́юще: ра́дуйся, святу́ю ико́ну Твою́ залóгом ми́лости нам дарова́вшая, всем вёрным ско́рое помо́жение.

Песнь 7

Ирмос: В нача́ле Безнача́льное Сло́во, со Отце́м и Ду́хом Сын Единоро́дный, благословен еси́, и превозноси́мый Бо́же о́тец на́ших.

Пресвята́я Богоро́дице, спаси́ нас.

Еди́ну Тя обре́те Чи́стую Содéтель всех и всели́ся в Тя, я́ко в храм прекра́сный, сего́ ра́ди поём Ти: Христа́ Бо́га на́шего Ма́ти, благослове́на еси́.

Пресвята́я Богоро́дице, спаси́ нас.

Милостию Твоею весь мир обогащаеши и души просвещаеши, Еди́на Всепета́я, те́мже воспева́ем Ти: Христа́ Бо́га на́шего Ма́ти, благослове́на еси́.

Слава: Безневѣстная Дѣво, многопло́дное дре́во явилася еси́, снѣдию Небѣсною вся насыща́ющее, добродѣяния всем источи́, да вси поѣм Ти: Христа́ Бо́га на́шего Ма́ти, благослове́на еси́.

И ны́не: Образа Твоего́ прише́ствием от злых избавля́емся и посрамля́ются вси, рабо́м Твои́м злая явля́ющии, сего́ ра́ди вопи́ем: благослове́на еси́, Ма́ти Христа́ Бо́га на́шего.

Песнь 8

Ирмос: Во о́бразе Ангела, я́вльшагося в пещи́ о́гненной песносло́вцем, Христа́ Бо́га по́йте, о́троцы, священни́цы, благослови́те, лю́дие, превозноси́те во вся ве́ки.

Пресвята́я Богоро́дице, спаси́ нас.

Гла́сы моле́бными, прииди́те, вси воспоѣм Чи́стую Дѣву, се бо ны́не весе́лие прибли́жается, ве́рнии спаса́ются, и воскликнем в весе́лии: Богоро́дицу по́йте и превозноси́те во вся ве́ки.

Пресвята́я Богоро́дице, спаси́ нас.

Очи́ма а́нгельскими́ глубина́ неудобозри́мая, челове́ческими по́мыслы высотá неудобовосходи́мая прииде к нам во о́бразе Троеру́чицы, поклони́мся у́бо честно́му о́бразу и возопи́ем: Богоро́дицу по́йте и превозноси́те во вся ве́ки.

Слава: Ра́дующеся, присту́паем о́бразу Твоему́ честно́му и, умильно моля́щеся, из глубины́ души́ взыва́ем: Богоро́дицу по́йте и превозноси́те во вся ве́ки.

И ны́не: Огне́м возгара́шися гора́ Сина́йская, не терпя́ше бо снѣтия сла́вы Бо́жия, Ты же, весь Боже́ственный Огнь суц, Бо́жие Сло́во во чре́ве Твоѣм неопáльно носи́ла еси́, сего́ ра́ди поѣм: Богоро́дицу по́йте и превозноси́те во вся ве́ки.

Песнь 9

Ирмос: Безсе́менное Рожде́ство Твое́, Богоро́дице Чи́стая, Христа́ Бо́га на́шего пе́снями немол́чными велича́ем.

Пресвята́я Богоро́дице, спаси́ нас.

Днесь ра́дуется Правосла́вная Сѣрбия и вся Гора́ Афо́нская, изряднее же оби́тель Хиландáрская, и́бо прииде и всели́ся в

ню всечестная икона Троеручица, являючи к нам благоволение Божия Матере.

Пресвятая Богородице, спаси нас.

Имеючи святую икону Твою Троеручицу во игумена себе, якоже Твоя воля бысть, Богородице, обитель Хиландарская благоуханием святыни исполняется и непрестанно славословит имя Твое.

Слава: Цвете прекрасный, облагодухай вся, противных нахождения отгоняй и веселия всех исполняй, буди нам стена, и ограждение, и спасительное прибежище.

И ныне: Егже воспевают Ангели, родила еси, но и Девую пребыла еси, сего ради вопием Ти: радуйся, скорая Помощнице и крепкая Заступнице всего мира.